



UKA 2017/106-01

29-09-2017

Kommunit aqunneqarnerat pillugu Inatsisartut inatsisaat nr. xx, xx,xxx, 2017-imeersoq

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

Kommunit aqunneqarnerat pillugu Inatsisartut inatsisissaattut siunnersuut Partii Naleraq sinnerlugu imannak oqaarseqarfigissuarput:

Naluneqanngitsutut kommunit januarip aallaqqaataaniit 2018 sisamaannaasinnarlutik tallimanngortussaapput. KANUKOKA allannguuteqarpoq, tassa kommuneqarfik Sermersooq ilaa sortaajunnaarpoq aammalu missingersuusiortarnermut inatsit allanngortinneqarluni, kiisalu minnerunngitsumik aamma nunaqafinni aqutsisut aaliangiisinnaanerulernissamik aningaasanillu aqutsisinnaanermut pisinnaatitaaffeqarnerulernissamik kissaatigiuarsimasaat aamma inatsisitigut toqqammavissinneqartussanngussammat, kommunit aqunneqarnerannut inatsisip nutarterneqarnera naleqqussarneqarneralu Partii Naleqqamit taperserparput.

Aamma sumiiffinni ataatsimiititalianik pilersitsinissamik siunnersuut tamakkiisumik taperserparput, tassa taamaaliornikkut inuiaqatigiinniit oqartussaaqataanerup akisussaaqataanerullu aamma nukittorsarneqarnera qualkkeerneqassammat.

Taamaammat aamma nuannaarutingaarpuit nunaqarfinni aqutsisunut

- Kulturimut innuttaasunillu qaammarsaanermut,
- Timersornermut,
- Teknikkikkut sorianut aamma pilersuinermut,
- Nunaqarfimmi najugallit inuussutissarsiatinik suliniutigisaannut,
- Kiisalu innuttaasunut sammisassaqtitsinermut

Aningaasanik atugassangortitsisoqartarnissaa periarfissinneqartussaangormat.

Naggataatigut maluginiarparput tusarniaanermi KANUKOKA-p aamma soqutigisaqaqtigiiit kattuffiisa akissarsiat pillugit isumaqatigiinniartarnernut tunngasut isornartoqartikkaat, tassa ilaatigut Namminersorlutik Oqartussat kommunillu akornanni atorfillit akissarsiaasa assigiinngissuteqarnerat pillugit aarloqquteqarmata.

Taamaammat tassunga tunngasunik naalakkersuisut nassuaateqarnissaat piumasaraarput, tassami Naalakkersuisut akissuteqarnerminni taamaallaat KANUKOKA-mit kommuninillu isumaqatigiissut 17. November 2016-imeersoq innersuussutigimmassuk.

Taama oqaaseqarluta siunnersuutip aappassaanneerneqannginnerani ataatsimiitaliami susassaqartumi suliarineqarnissaa inassutingaarput.

Anthon Frederiksen